

o te manuhiri i noho ki roto i o ratou whare a mutu noa te hui. Te ki a te nuinga o te tangata kahore rawa he hui i rite ki tenei te pai—te pai mo nga tinana, i nga mahi takaro, te pai, mo nga hineungaro, i nga mahi ma te mahunga, te tino pai mo nga wairua, i te ohonga o te ngakau ki te whakapono. I te Mann 28 o nga ra ka pakaru te hui, hoki ana i a tangata i a tangata ki tona kainga. I tauhou i te tutakitanga, otira i te wehenga he taina, he tuakana. Ko nga tinana kua webewehe inaianei, otira ko nga ngakau kei te pipiri tonu kei te honoa e te aroha o Te Karaiti. E te iwi tatou ka aru i enei tangata kareti, a "ka mea i a Ihu hei Kingi."

TE AUTE.

No te tahi o nga ra o Pepuere nei i tamata ai te kura o Te Aute. Ko nga kaiwhakaaako ko J. Thornton Esq., H. Baker, Ware P. Waitai, Weihana Teramea. E 61 nga tamariki kei te kura inaianei. No Ngatiporou e 27; no Ngatikahuhunu, mai i Turanga ki Wairarapa e 8; no Ngatiraukawa e 6; no Ngapuhi e 3; no Whanganui e 3; no Ngatitua e 2; no Ngatitahu e 2; no Ngatimaniapoto 1; no te hanau a Apanui 1; no te Pakeha e 8. Engari ko etahi o enei tamariki e takirua ana o ratou iwi. Tekaurua nga tamariki kei te haere mai. Ahakoa he tino Maori tanei iwi a Ngatiporou, tino kaha atu ratou ki te tuku i a ratou tamariki kua tino puta to ratou matauranga inaianei. E ra atu iwi kaati te mangle ki te tono i a koutou tamariki ki te kura. I nga ra onamata te painga o te Maori-tangata; kua matotoro taua ki te Pukehatanga i enei ra, kaati kei te matauranga tonu te tika. Kia tatanga mai!

Ko nga tamariki Maori tenei kua whiwhi ki te moni a Te Makarini £15 i te tau kotahi mo nga tau e rau; ko Earnest Hapata, Te Aute, no Ngaitahu; Hori Kerei, Te Aute, no Te Whanau-a-Apanui; ko Te Mauri Mauheni, Rangitukia, no Ngatiporou; ko Eruera Uruamo, Kaipara, no Ngatiwhataua. Ko te toru tenei o nga tau i riro tonu ai tenei moni i nga tamariki o Rangitukia, wahi o Waiapu. Taihoa ra e whakaatu ai au i nga moni, me nga mahi e tae ai nga tamariki Maori ki te tino kura ara ki te University.

I te 22 o nga ra o Pepuere nei ka tu te hui a te komiti o Te Kotahitanga o nga Tamariki o Te Aute, i whakaritea i te hui i

Taumata-o-Mihi he titiro i tetahi tangata hei whakahaere i nga tikanga o to ratou Kotahitanga i nga takiwa Maori, ara hei Hekeretari haereere (Travelling Secretary). I whakataua e taua komiti ko Apirana Turupa Ngata M.A., L.L.B., Roia i Akarana mo taua turanga. Kua whakaae noa atu a Apirana kia tu ia mehemea ki te pai te komiti. Kua riro te tono o te komiti ki a Apirana. Hei te timataranga o tana mabi e rawaka ake ai nga korero mona me nga tikanga o tana mabi. Ehara i te mea e whakarere ana e Apirana tona mabi roia. Tetahi ona whakaaro ki taku rongo kia tu ia hei mema mo te Paremete a ona ra.

Kaore ano kia tuturu te wahi hei turanga mo te hui tauwha o to matou Kotahitanga. E tumanako ana etahi kia tuki Rotorua. Engari ma Te Arawa rano hoki te tono e ahei ai te haere ki reira. Ko Ngatiporou kei te tohe kia tu ki te Kawa Kawa. E kore e hapa te riro i a ratou mehemea ki te kore era atu iwi e manako mai. Ma Ngatiporou nga mahi katoa e manaki! Ta te iwi nunui pai! Ta te tawa-mapua hanga!

REWETI T. KOHERE.

(Ki nga kura o Tipene, o Waere-nga-Hika, o Hukarere, Otaki, o Raukahikatea me era kura ranei, tukuna mai nga korero o a koutou na kura ahakoa ruarua, hei whakawahanga ake ma'u parirau ririki nei. Te Piiwharaurao.)

ETAHI TAMARIKI MAORI.

Ko ta matou wawata, a ko ta matou inoi hoki tenei ki te Atua, kia whakaarohia ake e ia etahi tamariki Maori hei toa, hei kai arahi, hei kai whakaoa i te iwi Maori, e kiia nei e etahi tangata meake ngaro i te mata o te whenua. He nui nga tamariki Maori o Te Aute, o Tipene, o Hukarere, me era atu kura o taua o te Maori e kore ana e tutuki pai o ratou mataurangi. He mei tenei e korerotia ana e te Pakeha e te Maori. E kore matou e tawai e whakawa ranei i era tamariki. Ko wai ka mohio atu ki o ratou mate, ngoikoretanga ranei, i romia kinotia ai ratou e nga whakawainga o te so. Engari ko ta matou, he whakahauroa i o ratou ngakau, he mea atu ki a ratou. "Enga teina e nga tuakana, maranga, 'whakatangata, kia kaha,' whakawhirinaki atu ki te Kaha o te Atua."

Otira tera ano etahi tamariki Maori kua piki haere nga mahi, me te matauranga, a